

Ռոզին հոգնել էր այն զգացողությունից, որ ինքը այդ միջավայրին չի պատկանում:



# Ռոզիի աղոթքը

**Լյուսի Սթիվենսոն Էվել**  
(Հիմնված է իրական պատմության վրա)

Ռոզին ուսի պայուսակը գցեց հատակին: Նա նոր էր ավարտել երկրորդ ուսումնական օրը իր նոր դասարանում: Իսկ օրը հաջող չէր անցել:

«Ի՞նչ է պատահել», - հարցրեց մայրիկը:

Ռոզին ընկավ բազմոցին: «Իմ դասարանի որոշ երեխաներ ինձ վատ բաներ ասացին», - ասաց նա: «Իմ թուխ մաշկի մասին»:

Դպրոցում շատ քիչ մարդիկ կային, որոնք ունեին մաշկի նույն գույնը, ինչ Ռոզին, ուստի նա զգում էր, որ չի պատկանում այդ միջավայրին: Բայց ծաղրը հարյուր անգամ ավելի վատթարացրեց նրա ինքնազգացողությունը:

Մայրիկն անհանգստացած տեսք ուներ: «Ցավում եմ», - ասաց նա: Նա գրկեց Ռոզին:

«Ես կխոսեմ քո ուսուցչի հետ այդ մասին»:

Բայց հաջորդ օրը դպրոցում Ռոզին նորից ծաղրեցին: Նրա դասարանից մի տղա ամբողջ օրը չարությամբ էր լցված նրա հանդեպ:

Ռոզին տխրեց: Բայց նաև զայրացած էր: Երբեմն, երբ տղան կոպիտ էր վարվում Ռոզիի հետ, աղջիկը բարկացած

պատասխանում էր: Բայց դրանից նա ավելի լավ չզգաց իրեն:

Մի օր, երբ Ռոզին դպրոցից տուն վերադարձավ, վազեց ուղիղ դեպի իր սենյակը: Նա հոգնել էր մշտական ծաղրից: Նա հոգնել էր այն զգացումից, որ ինքը կարծես, այդ դասարանի մասը չէր կազմում: Նա երեսը բարձի մեջ դրեց և լաց եղավ:

«Ես ի՞նչ պետք է անեմ», - մտածեց նա: Նա չէր ցանկանում այդ զգացումն ունենալ ուսումնական տարվա մնացած ժամանակահատվածում:

Ռոզին սրբեց արցունքները: Հետո նայեց Հիսուսի փոքրիկ արձանին, որը դրված էր իր գրադարակի վրա: Մայրը այն տվել էր Ռոզին, որպեսզի օգնի նրան հիշել Հիսուսին:

«Միգուցե ես պետք է աղոթե՞մ», - մտածեց նա: Նա ծնկի իջավ և ձեռքերը ծալեց:

«Սիրելի՛ Երկնային Հայր, ես իսկապես ցավում եմ ներքուստ:



Իմ դասընկերները չարությամբ են լցված իմ հանդեպ իմ թուխ մաշկի պատճառով, և դա ինձ մեծ ցավ է պատճառում»: Խնդրում եմ, օգնի՛ր ինձ»:

Հաճելի էր Երկնային Հորը պատմել իր զգացմունքների մասին: Ռոզին գիտեր, որ նա լսում է իրեն: Նրա հոգին ջերմացավ և իրեն սիրված էր զգում, և այդ սերը, կարծես, փափուկ վերմակի նման պարուրվում իր շուրջը: Նա զգաց, որ իր մաշկի գույնը գեղեցիկ է: Նա Աստծո զավակն էր, և նա սիրում էր իրեն:

Երբ Ռոզին ավարտեց աղոթքը, մի միտք ծագեց: Միգուցե նա կարող էր ավելին անել դպրոցում՝ իրեն օգնելու համար:

Հաջորդ շաբաթ Ռոզին և նրա մայրը խոսեցին դպրոցի պատասխանատուների հետ այն մասին, թե ինչ է կատարվում նրա դասարանում: Ռոզին դպրոցում պաշտպանում էր այն երեխաներին, որոնց ծաղրու ծանակի էին ենթարկվում, և ընկերանում էր նրանց հետ: Նա փորձեց անտեսել իրեն ծաղրող տղային: Իսկ կիրակի օրը եկեղեցում նա կիսվեց իր վկայությամբ, որ Երկնային Հայրը սիրում է բոլորին:

Դպրոցում ամեն ինչ միանգամից չլավացավ: Բայց դժվար վիճակներում Ռոզին հիշում էր, թե ինչ էր զգում իր աղոթքի ժամանակ: Նա Աստծո զավակն էր, և նրան սիրում էին: Եվ քանի որ նա գիտեր դա, ապա կարող էր ամեն ինչ անել: ●



## ՈՌՁԻԻ ԽՈՐՀՈՒՐԴՆԵՐԸ ՈՍՄԻՉՍԸ ԱՐՄԱՏԱԽԻՆ ԱՆԵԼՈՒ ՎԵՐԱԲԵՐՅԱԼ

**ՈՍՄԻՉՍԸ** այն է, երբ մարդկանց նկատմամբ անարդար են վարվում նրանց մաշկի գույնի կամ ծագման պատճառով: Միայն ինչ կարող եք անել.

- Հիշեք, որ դուք Աստծո զավակն եք:
- Բոլորին վերաբերվեք սիրով, բարությամբ ու հարգանքով: Հիշեք, որ նրանք նույնպես Աստծո զավակներն են:
- Եթե ձեզ ծաղրու ծանակի են ենթարկում կամ, եթե դա տեղի է ունենում մեկ ուրիշի հետ, խոսեք որևէ մեծահասակի հետ: Պաշտպանեք ինքներդ ձեզ, բայց մի արձագանքեք նույն անբարյացակամությամբ, որը ցույց է տրվել ձեր հանդեպ:
- Ձեր փորձառություններով կիսվեք ուրիշների հետ: Օգնեք նրանց իմանալ, որ իրենք մեկնակ չեն:
- Պաշտպանեք այն մարդկանց, որոնց անարդարացիորեն ծաղրու ծանակի են ենթարկում: Եղեք նրանց ընկերը: